



右五符隨方納於杖中

五帝破獄策杖符



上清靈寶大法卷之五



上清靈寶大法卷之六

贊

洞微高士明光教若真人齊全具授

上清三洞弟子靈寶願教師王然真集

修鍊佩服門

爾時太上於赤明初年命天其皇人傳授諸天內音真法安鎮萬天立乾坤丈制星辰日月成立萬天及諸萬聖同萬類萬物皆受太上靈寶所成受元始天尊真炁方得生成各隨本性而受其名謂此法能度天上人間萬靈及於一切得道聖真皆稟內音真法大梵之炁而成大道矣學士行之悉得上升之道所謂一切大聖皆得內音真法而成聖也

師曰天上天下得此音无所不辟无所不禳无所不度无所不成此是天真自然之音是名諸天內音真法自然成天立地乾坤也人若遇此法時須要上合於地中合於人更能舉動方圓言不傷物常行損已救人之道方可行諸天內音真法自得飛升上天之道謂明諸天上帝諸王諸聖皆

從此法而成仙官之位真法妙重諸天齊功上天度人所寶不傳下世所謂內音之法故知元始天尊四萬劫一傳下世此明八字之音皆是諸天宗範謂明此音是升天之道本入聖之根長生之門上天之路

且人萬劫遇此音者一身得道升天更能度於九玄七祖皆得神仙之道謂明此法天上人間一切聖賢真聖無有不從此而成高真之道故曰此音度人無量為萬道之宗得道成真有如兩霧功算不知其數此法古今四百萬年再降人間若有遇者獨行三界升入金門與天齊年

訣曰凡行養命修仙之道常以每月十日望日晦日上下弦日朱書玉字至日清旦以淨水服之每一月服八天四月服足也自東方服起周而復始其玉字自有天真皇人昔書其諸天內音玉篆具真文冊中

佩服東方內音

聖妻阿耨無怒觀音 大黃皇曾天
須延明首法攬音雲 太明玉完天

稼那阿耨忽訶流吟 清明何童天
以每月十日書第一第二第三字清旦向
壬方佩服更念三天呪誦持如法百日自
然百神朝身久之可致長生白日上升之
道也

華都曲麗鮮善青臻 玄胎平育天
答落大梵散煙慶雲 元明文舉天
以每月望晦二日書第四第五二字向東
方佩服二十四年自得神仙長生不死上
升之道生死皆得上升得居帝君南軒遊
臺之上自然飛大羅之天

飛洒玉都明魔上門 上明七曜摩夷天
無行上首回躔流玄 虛無越衡天
阿陀龍羅四象吁負 太極蒙翳天
以每月上弦下弦二日書第六第七第八
三字向月服佩誦呪如法八年自然身有
光明面生金色生死皆得上升日月之館
身得神仙長生久視與天齊年也

佩服南方內音

南閻洞浮玉時誥誥 赤明和陽天

梵形落空九靈推前 玄明恭華天
澤洛菩臺綠羅大千 耀明宗飄天
以每月十日書第一第二第三字清旦向
壬方佩服更念三天呪持之如法百日自
然萬神朝身自得長生白日上升之道也

眇莽九醜韶誥緣遺 竺落皇銘天
雲上九都飛生自騫 虛明堂耀天
以每月望晦二日書第四第五字向東方
佩服二十四年自得長生不老上升之道
生死皆上升得居帝君南軒遊臺之上自
然身登大羅之天

那育郁馥摩羅法輪 觀明端靖天
靈持无鏡攬姿運容 玄明恭慶天
觀朗廓爽神纓自宮 太煥極瑤天
以每月上上下下弦日書第六第七第八字向
月佩服八年身有光明面如金色生死皆
得上升日月之館身得神仙長生之道與
天齊年也

佩服西方內音

刀利釋猷婆泥答通 元戴孔昇天

宛藪滌色大眇之堂 太安皇崖天
流羅梵萌景鬱蕭嶠 顯定極風天

以每月十日書第一第二第三字侵晨向
壬方佩服更念三天呪持之如法百日自
然萬神朝身自得長生白日上升之道也

易遠無寂宛首少都 始皇孝芒天
阿鑑郁竺華莫延由 太皇翁重淨容天

以每月望晦二日書第四第五字向東佩
服誦此音二十四年自得長生不老上升
之道生死皆上升得居帝君南軒遊堂之

上自然飛身大羅天也

九開自辯阿那品首 無思江由天
無量扶蓋淨羅合神 上揲阮樂天
玉誕長桑栢空度仙 無極曇誓天

以每月上下弦日書第六第七第八字向
月佩服八年身有光明面如金色生死皆得
上升日月之館身得神仙長生之道與天
齊年也

服北方內音

覆無自有九日導乾 皓庭霄度天

坤母東覆形攝上玄 淵通元洞天
陀羅育遊眇炁合雲 太文輪寵妙成天

以每月十日書第一第二第三真篆字侵
晨向壬方佩服更念三天呪誦持如法百
日自然萬神朝身飛升上清之道也

飛天大醜總監上天 太素秀樂禁上天
沙陀劫量龍漢瑛鮮 太虛无上常融天

以每月望晦二日書第四第五字向東佩
服誦之二十四年自得神仙生死皆上升
大聖之天

碧落浮黎空歌保珍 太釋玉隆騰勝天
惡爽無品洞妙自真 龍變梵度天

元梵恢漠幽寂度人 太極平育賈奕天
以每月上下弦日書第六第七第八字向
月佩服呪之八年自然身有光明面如金


色生死皆得上升日月之館與天齊年
凡修大道常行慈悲救物無其物清淨
其心正直端嚴無邪無曲潔已齊心常思
衆善與人言論常加謙和動合天地言無
傷炁勿食葷鮮勿食物命見他命如已命

見他非如已非見他之過如思父母之名
若過似此之人方可傳授諸天內音飛升
之法蓋為此法至神至聖四萬劫一傳如
下世今有遇此者乃宿有升天之本人能
忘心佩服自然飛升上清萬神朝禮地祇
侍門名書上清功滿德就白日升天秘之
慎之非人勿傳

五芽真文

師曰靈寶有五方真符赤文祖炁天中靈
寶也人身中主内生五色靈芝外招五方
雲芽和炁乃真液真水在天為五老上帝
在經則結炁成文是為五芽真文在五方
則為五帝在乾象則為五星在地理則為
五嶽在事則為五常在物則為五行在人
身則為五臟也修靈寶之道洞房之法餌
服五方正真之生炁以鍊凡軀也神哉

青芽真文一十二字



赤芽真文一十二字

白芽真文一十二字

黑芽真文一十二字

黃芽真文一十六字

右五炁五芽真文以丹書於金漆黑光二板之上行持請炁畢朝奏內誦洞章方可施用當隨方叩齒咽液三過心禮三拜發真弁步百花之虹丹朱迎接以舌舐化五色之炁咽入重樓送歸絳宮化成五方錦紋交結入符五芽元炁靈液之嬰體也此乃身中靈寶祖炁學士當勤行之

佩服真文

師曰五芽內鍊之法請五帝五靈降真及佩服真文使其神居五臟之中為致五芽之精也

常以立春日鷄鳴時入室東向九拜平坐叩齒九通思東方青帝靈威神以其司春主東方生炁故也身長九寸頂青玉冠九炁青羽衣駕蒼龍之聲建穎旂從甲乙胡老之官九十萬人來降須臾化生青炁如雲灑覆已身從已身從已口入直下肝府又思木星煥明在東方照映已身便開口念呪九遍取東炁九口咽液服東方真文一十二字

呪曰

九炁青天元始上精皇老尊神衣服羽青設御天宮煥明歲星散輝流芳淘澆我形上淪朝霞服引木精固養青年保鎮朽齡肝膈充溢玉芝自生回年億劫色返童嬰五炁和合天地齊并

常以立夏日鷄鳴時入室南向三拜平坐

叩齒三通思南方赤帝赤標奴以其司夏
主南方生氣身長三寸頂赤玉冠衣三炁
赤羽衣駕丹龍玉輦建朱旂從丙丁越老
之官三十萬人來降須臾化照已身又思
火星煥明在南方照已身便開目念呪三
遍取南炁三口咽液服南方真文一十二
字

呪曰

三炁丹天朱宮雲童 元始上帝駭駕赤龍
丹羽飛衣錦帔光明 驅策靈管 運道陰陽
三炁吐輝灑我絳宮 赤子俱鎮鍊芳飾容
朝飡朱景玉芝滿充 回停劫年朽骸返童
長齡天地 永享無窮 身生水火變化百方
帝以立秋日鷄鳴時面西七拜平坐叩齒
七通思西方白帝白招矩以其司秋主西
方生炁也身長七寸頂白玉冠衣七炁白
羽衣駕白龍玉輦建素旂從庚辛玄老之
官七十萬人來降須臾化生白炁如雲俄
覆已身從已口入直下肺府又思金星煥
明在西方照已身便開目念呪七遍取西

炁七口咽津服西方真文一十二字

呪曰

金雲七門皓映西華中有素皇 元始之家
駭駕白龍 七炁我我徘徊玉門 散精朱霞
金星吐輝芳芝滂沱玄典我身養我素芽
明石鮮光萬劫不俱 服以流泉 喻以太和
九天上帝給以玉華 保年駐白 顏景敷羅
長存天地 三光同暉

常以立冬日鷄鳴入室面北五拜平坐叩齒五通思北方黑帝叶光紀以其司冬主

北方生炁也身長五寸頂玄玉冠衣五炁

玄羽衣駕黑龍玉輦建皂旂從壬癸羗老

之官五十萬人來降頃刻生黑氣如雲似

流星之光覆已身從口入直下腎府又思

水星煥明在北方照已身便開目念呪五

遍取北炁五口咽津服北方真文一十二

字

呪曰

北方玄天五炁散靈上有大神 始老元精
駕龍建旂遊宴玉京是日元吉慶雲敷榮

飛芝流灑滂沱四盈 玉女玄典混我身形
腎宮充鎮朽芽堅生 五府納真上通神明
五老降接仙道早成 變化水火衣服羽青
飛行太空遊造紫庭 壽同三景萬劫長齡
常以春分秋分夏至冬至日鷄鳴入室向

五方旺方心拜十二拜平坐叩齒一十二

通思中央黃帝含樞紐主五方之旺炁也

身長一尺二寸頂黃玉冠衣五色衣駕黃

龍玉輦建黃旂從戊己蒼龍之官十二萬

人來降須臾化生黃炁如雲覆兆已身從

口下直入脾府又思土星在中焰兆身即

閉目念呪一十二遍吸中炁十二口咽津

服中央真文一十六字

呪曰

中央太山元炁徘徊 上有玄老總統四靈
駭駕黃老五色羽衣 運道九天輪轉璇璣
煥明七星流光散輝 玉英芳芝流溢四飛
淘溉我身脾府光開 養芽滄精萬神總歸
檢魂制魄仙鍊八威 表裏洞清常生不衰
通真達靈升入太微

服靈芝雲液法

師曰凡春夏先服雲液而後服元炁也秋
冬先服元炁而後服雲液也常服每日以
鷄鳴陽光始分東南向叩齒如其方數東
九南三西北五中央十二通也以雙手
掌相摩令熱拭目隨其方數念呪自東
方起一周而止次第飲服五芽真液也

五芽呪

東方青芽紫雲流霞服食青芽飲以朝華
青芽肝也朝華者上齒根也便以舌擦上
齒之裏以舌舐唇三過漱口令玉泉滿口
九咽之又引青炁九咽令鎮肝中

南方朱丹煥耀徘徊服食朱丹飲以丹池
朱丹心也丹池下齒根也以舌攪下齒之
裏以舌舐唇三過漱口令玉芝滿口而三

咽之又引赤炁三咽令鎮心中

西方明石皓靈全質服食明石飲以靈液
明石肺也靈液居表之精也以舌擦齒上
之表以舌舐唇三過漱口令玉芝滿口而
七咽之又引白炁七咽令鎮肺中

北方玄滋玄珠潤滋服食玄滋飲以玉髓

玄滋腎也玉髓舌也以舌擦下齒之裏以
舌舐唇三過漱口令玉芝滿口呼吸而咽
五次又以鼻引黑炁五口咽之令鎮腎中
中央戊己昂昂太山服炁守精飲以醴泉

一名玉英一名全
緣一云仰視太山

戊己脾也太山者前首也以舌擦上下裏
表以舌舐唇三過漱口令玉泉滿口而十

二咽之又引黃炁十二口令鎮脾中
如此畢叩齒三十六通咽炁三十五過又

念都呪

呪曰

白玉崑崙以次行源泉湧洞似玉漿飲之長
生壽命延長

呪畢以舌擦上下中央令玉芝滿口而三咽

之引炁二十五過極炁而咽之其道都畢

此法並於夜半子時平旦寅時服之餘時
卯酉午申巳亥并四土時各只服一靈芽
玉液也

服元炁法

凡服元炁閉口屈舌以鼻長引口中炁滿

脅腹鼓腮而咽之半夜八十一咽平旦六
十四咽食時四十九咽日中三十六咽晡
時二十五咽黃昏一十六咽其餘時二十
四咽此法行之百日可以換骨易形一年

自然徹視還年却老乘雲登仙可翹足而
俟矣凡逐時服炁咽液訖以竹膜朱書玉
嬰神變符丸而吞之以津液咽下存已神
如嬰兒之狀在丹田中二年在心中三年
在泥丸中與前內朝同行三年之外可分

形隨意玄妙不一應變無極炁自然之炁

液並隨行轉三年之外火應水朝與天地
同陰陽與日月同造化九年五老下降迎
兆白日上升也


師曰天地之中有聖人在其中得其道賢

人在其中得其法智人在其中得其術皆

天地會精而成其具也故道不可以言求
法不可以情求術不可以意求皆萬物順

天地化生而歸於自然也

水火圖




玉嬰神變符

五嬰太乙 三玄元始炁 乾靈
胎化天尊 三寶天尊 坤母

坤靈 產皇告命 九炁映照
乾靈 玉胎分形 混合生成

九天元炁 天一地清人寧谷聲冲開
孕胎成真 九天現出真形陽理眾神
七魄守宮上朝三天下入九眾事炁
皈元成爲七德急急如太一天尊勅



開明三景

師曰靈寶有開明三景之道兆於日初出

時平心向太陽祝鬱儀呪

呪曰

日魂朱景照韜綠映回霞赤童玄炎颺象
呪畢以鼻引日之紫芒八十一咽又於月
初出時平心向太陽祝結璘呪

呪曰

月魄靛蕭芬艷騎家究虛靈蘭鬱華結翹
浮金清瑩炁容臺標

呪畢以鼻引月光黃色炁一百二十咽又
於初夜戌未時仰面視斗極祝北斗諱曰
魁魁魁魁魁魁魁

呪畢以口引北斗七星金炁四十九咽次
服中元三景元炁真符以竹膜朱書作丸
以津吞之服日符忌午後服月符忌上弦
前下弦後服斗符忌辰戌日服此三景真
炁可以還精復胎立反少容呼吹萬疾隨
意而愈百魔稽首玉女侍形不待飛升三
年功滿受書爲三景真人

中元三景玄炁真符

師曰三景符乃三光之正炁上清之正道

並用黃紙朱書男服鬱儀符女服結璘符
或被邪妖染者服中元斗形如免篤者合
三符作一道吞之立金生形復肌回顏換
骨久服長生亦能飛升

鬱儀符



存圓形方景 紫光九芒



日魂朱景 甲指上節雜炁

結璘符




存方形圓景 白光十芒



月魄靛蕭 四指上節乾炁

中元斗形



魁魁魁魁魁魁魁 推指服所建冬至戌夏至亥

合形



太陽太陰並祥星 曆過數日取則也

鍊服三光

師曰每於日出時兩結玉帝訣合掌對太

陽念日君呪

呪曰

鬱儀之神離宮真精灌服九芒乾元利貞

呪畢以鼻吸炁九咽以意送下丹元約二

九三九以至九九八十一遍再祝曰

唵鬱呼嚙煜貞元輝 縛咽囉囉囉囉唵娑婆

薩訶

呪畢取炁如前咽之次於月出時雙手王

帝訣合掌對太陰祝月君呪

呪曰

結璘夫人坎位真精圓睪八芒吉利元亨

呪畢以鼻吸炁八咽以意送下丹元約八

八六十四遍再呪曰

唵結噉噉噉噉噉 縛明囉囉囉囉娑婆薩

訶

呪畢取炁如前咽之但自上弦初九日後

下弦十六七日取炁行持次於星出時兩

手玉帝訣合掌對天罡方念天罡呪

呪曰

唵勃之神斗極真精流輝七芒吽吽勃凝

呪畢以鼻吸炁七咽以意送下丹元約七

七四十九遍再呪曰

唵吽吽迷離奴那婆羅修唵噉吽唵吽

呪畢再取炁如前咽之只於戌亥時行持

餘時不行

此法乃三光鍊形或陰雨之日不可行持

凡服三光畢叩齒九通而退

服三光符

師曰每過三七日雙手斗訣面天門步北

斗罡回身面南服三光符持上帝三字秘

諱曰

洞潛氣 天命長 人恒寧

呪畢再拜以新水吞下又再拜念總呪

呪曰

祖道玄真 烜赫正神 鬱儀這質 焚惑操形

亦明和陽 理禁威靈 耀明宗飄 帝重光明

戊己芒英 中央鎮星 掃蕩邪炁 破滅淫精

海蓬之沸 金逢之鎔 木逢之燼 火逢之空

長離之主 統攝飛蹤 迷離奴那 唵噉吽吽

東海青童 總括張羅 迷離奴那 唵噉吽吽

呪畢存三光炁灌注三田九符亦用此呪

玉清天日魂孕珠紫霞真符

天地多 勃長 鬱儀這質 焚惑操形 九芒

祖道玄真 帝理上真 冠帝

烜赫正神 焚惑操形 九芒

帝重 焚惑操形 九芒

帝重

光明



右符書時面東北念三光一字呪

鬱離貞 三遍吸炁三口入筆書之

又呪曰

鬱儀之神離宮真精灌服九芒乾元利貞

想內有紫光九芒有圓光童子如日初出

狀若車輪默念三字呪九遍引炁納丹田

復自丹田升上吹布符中紫光纏於符上

玉清天月魄九靈成真符

精炁多 勒延 赤明和陽 元
 神 庚生 理禁成靈 載
 孔 戊巳 羅羅姜王
 昇 芒英 拘提制魄



右符書時面東北念三字呪

結字坎三遍吸炁三口入筆書之

又呪曰

結璘夫人坎位真精圓曜八芒吉利元亨
 想內有白光十芒有散輝玉女如月初出
 狀如水晶默念三字呪三遍引炁納丹田
 復自丹田升上吹布符中白光纏於符上

玉清天天罡正炁玄精秘符

日月 勒合 虛元正炁
 星 庚真 曜明宗飄
 帝運合 帝招真童 總監
 上玄之 曲育九昌 上天

明梵之 威制天政 那育醜英
 宮隆 浮羅合神 天中之尊



右符書時面置方念三字呪

唵吽叱 念三遍吸炁三口入筆書之

又呪曰

唵勒之神斗極真精流輝七芒吽叱勒凝
 瞑目仰頭想罡星在頂上取蒼炁想炁中
 官君童子次分作六炁吹符中

玉音攝炁靈書

祖道玄真烜赫正神鬱儀返質熒惑操形
 亦明和陽理禁威靈曜明宗飄帝重光明
 戊己芒英中央鎮星掃蕩邪炁破滅淫精
 海建之沸金蓮之銘木蓮之爐火蓮之空
 長離之主統攝飛蹤迷離奴那唵唵吽吽
 東海青童總括張羅迷離奴那唵唵吽吽
 師曰於日初出時面太陽先存五臟分明

了次對日默念靈章玉音攝炁吹一遍以
 口對日先扼咽九口又祝一遍瞑目以鼻
 長引暗數九次咽之存日之紫光九芒下
 入丹田作日狀以午前數多為功午後不
 可行也直至初三日夜月初出時依採日
 炁法瞑目以鼻引十咽之存月之白光十
 芒下入丹田亦存月狀與日合半至二十
 三日後不復採之月炁比日炁等共一萬
 遍過春先取木德夏取火德秋取金德冬
 取水德四季土旺亦各本方色炁却及萬
 遍逢一月五過依洞章法取斗中紫炁萬
 遍名外侍八瓊丹一千遍夜月有神光出
 沒二千遍一身有光三千遍滿室有光四
 千遍舊病新疾殘廢宿根皆去色返嬰童
 五千遍地司除死名玉清書生錄百靈侍
 衛六千遍舉身有光洞照百步夜可細書
 鬼神不匿預知未來七千遍吹噓百物可
 起死尸八千遍呵呪五金皆成至寶光生
 圓象九千遍丹成如日面生金容骨秀五
 香三天注仙萬過道備位登真人

內朝三天金闕降真召靈

師曰大法有降真召靈之道悉運生化之妙真靈升降之變呼吸坐役億萬真仙無所不通先化一身之內次運萬方之中動合自然開明三景大行梵炁周廻十方造

玄入妙寶渺渺大羅之上十轉回靈之道

若外求此道由緣木求魚徒用神炁學仙之士內修外鍊濟顯拔幽必從此始須當朝奏請降內朝三景天關飛真謁帝乃運神會道之功用也若為國為民祈禳濟度

鍊化陰魂修建黃錄大齋拜表上章祈恩請命當內請玄報毋墮大緣也施用之法當齋沐入靖調神正炁或坐或跪先內鍊六官上開八門中運三宮下通內戶理發五炁混合百神次登長虹金橋廣度詣中

天斗內拜自中天升橋徑詣三天或朝三寶九天天帝三官五師太一南極師尊皆用此法立彰玄報靈寶之道一以神炁修鍊誦謁為主使學士品列仙官侍真金闕若妄亂施為徒誤幽明滅算致罰玄憲有

格胃禁宣傳

法曰運真自丹宮升絳宮次升明堂仰視三天升化自東方清微天為始朝奏如法復還萬神先默祝玉清降真朝元祕章了方照三天三境真符次祝內朝金闕祕章

玉清降真朝元祕章

上清玉符總召萬靈靈光普照三界道明玉符飛降合契帝庭臣今啓奏上朝玉清雲霞飛奏時刻無停徑升玉闕與道合并急急如玉清上帝勅

十天訣自上清出運化降真召靈寶符飛煙散練如霞錦透徹三天上下為七寶金樓王殿森列懸映目前再自三宮出玉清訣于爐中億乘齊臨降矣

內朝三天金闕祕章

上元太乙守居泥丸中元司命安坐絳宮下元桃康生宮把籍无英公子白元尊神王章一召萬神奉迎玉清祖炁與道合真靈寶天尊降道飛靈升化潛通徑朝玉宸左右司衛飛步帝庭急急如玉清上帝勅

右密呪畢咽液三過兩腋發運神會道金先自兩宮出迸注三境符中以古運貯接炁服符

服三境符

神靈炁清起接三清六丁六甲威劍無情大道自然極度群生玉符注筆朝謁至真千邪潛伏萬鬼碎形火鈴天罡白獸金精周行衛護勇鎮三清上帝玉符勅下安形山魔奸惡道炁長存化運升度上朝帝庭急急如玉清上帝勅


雙手十天訣祖炁吹布以舌捲符通津咽服飛發神化三十二天下座納真

納真呪

天靈九官太一守房百神參位魂魄安康長生久視日月同輝急急如上帝律令勅
右呪乃金口所宣皇人按筆以授下士須當依旨修用以求玄報若自鍊奏謁百神混合洞煥十方萬災不干神明護門子宜精行變降真召靈上道行時先右手玉清訣左五嶽訣

紅杏如墨黑午磨真面機騰子靈寶中文應化
默念三遍取五方炁剔去不得故炁以五
方炁壓之若學不篤志則五嶽試人慎之
慎之

青帝護魂符



呪曰

五行之主九天司方青陽造化赫赫陽晶
飛雲結篆風馬高馴雲煙蕩瑞育化陽春
木宮大惠鎮護肝魂

右符護得道者三魂使其通靈澄徹

呪曰

謹召肝為青宮无英制魂君少陽木精歲星
之炁納化身中以生肝三魂處之木神九人
神吏九千衆速降真炁榮衛皮膚生其毫髮

治肝病魂不附體呪

青帝護魂保鎮三宮


右青書黃上震文東炁吞佩忌酸辛九日
以立春日受之若吞服用竹膜三枚書之
若佩書白素上

青帝符歌

東望重拜手 蒼帝玉皇君 靈風鼓素籥
育物布元春 雲龍響嚴駕 玉衛擁瓊輪
枯萌泛露及 大惠無不均 萬仙歌以道
委曲戒天人 心根迷自固 拱跪戴洪仁

赤帝養炁符

呪曰



五炁運度衆肺貫通日運玄珠光運華峯
三宮升降往來無窮赫赫陽晶萬物發生
紫房混合九魂鍊純拔朱始丹蕭勿始臺
通流血炁反胎火庭
右符主火能養元炁黃帝曰壯火食炁少
火生炁得溫而後養也

呪曰

謹召心為絳宮太一司命君太陽火精燧或
之炁納化身中以生左心左有玉童右玉女
處之火神三人從吏三千衆主治其中榮衛
官府主其現魄

治心病炁不足呪


赤帝養炁萬神歸身

右朱書黑上午文南炁吞佩忌食苦三日
愈以立夏日受之若吞服以竹膜二枚書
之若佩書黃素上

赤帝符歌

太景闢王樞 洞堂啓金除 鸞林蔭瑤砌
丹鸞路瓊珠 寶房名曲麗 明璫神所居
飛遊豁雲道 引目盼真都 天日永不夕
重煙鎖青廬 天上勅印開 柏几羅簡書
杼風樹玄化 懸辛諒有餘

白帝侍魄符



白炁混沌

白炁混沌 三炁之神吐青入玄洞達我身
鼎器蚪蚌陰魂返陽七尸燥煉萬神侍迎
金炁散輝全我清靈

此符侍得道者七魄使無散亂閉絕鬼道

呪曰

謹召肺為素宮白元營魄君少陰金精太白
之炁納化身中以生肺七魄處之金神七人
從吏七千衆治其身榮衛筋骨主其牙齒

治肺病魂狂呪

白帝侍魄鍊制陰邪

咒文西炁吹符吞佩忌食苦七日辛三日
即魄生肺安以立秋日受之吞時以竹膜
四枚書若佩書紫素

白帝符歌

六甲抱金關 七政守靈壇 流鈴擲火化
威劔巨龍幡 懸彼素靈真 明憲孰敢干
永制妖鬼魔 漂落宵風寒 珍炁既已息
萬天俄而安 眞儔荷大庇 抵賴相歌歡

黑帝通血符



呪曰

混沌元精 玄象變通結炁洪濛真元汗漫
通徹三宮 黑爽玉帝控馭飛龍沖妙無質
至道難終

此符育得道之人使血脈通利一身榮感

黑帝乃太玄水帝也水在人身乃血也

呪曰

謹召腎為玄宮桃康合精君太陰水精辰星
之炁納化身中以生腎左玉童右玉女處之
水神五人從吏五千人主持其中榮衛骨血
主其生精

治腎病血不足呪


黑帝通血腎水清淨
坎文北炁吞佩忌食酸五日炁感血旺腎
病安以立冬日受之若吞用竹膜一枚書

若佩書青素上

黑帝符歌

無質統有物 淵兮上帝心 不啓不發道
蘊妙化機深 恐爾漏未盡 陰想勿浸淫
輪轉無涯波 苦道相迷尋 萬年當謹約
一旦自湮沉 無沖落鬼境 殃譴不可任

黃帝中主符



呪曰

渾沈冥始萬範開張 三天大有總制中土
圓象黃宮帝祥無窮 三陽發生逸豫陽春
此符衛中府制萬神若近取一身則肝藏
魂肺藏魄絳宮丹田二炁交媾則赤炁下
降玄泉上升心藏血腎藏精二炁反覆交
相生養黃庭之中神意所在也
謹召脾神為黃庭常化靈君土精之炁納化

身中以生脾處之土神一十二人領從吏萬二千衆精光神三萬六千毛竅神納靈萬炁長存百神混合內外翁冥及胎復嬰上朝帝君

治脾病忘魂失神肌瘦飲啄不寧呪

黃帝中主萬神無越

中文上炁吞佩忌食酸十二日廿五日即安炁感脾病愈以土旺之日受之若吞則以竹膜五枚書之若佩黃書絳素上

黃帝符歌

萬天拱中宸 控駕玉化根 翹機貫億曆 洞朗闢四門 大有混皇真 糾制星宿魂 非帝道不運 有方賴之存 威忿即霜秋 和豫為陽春 生成握元紀 仰荷戴無垠 上清靈寶大法卷之六

上清靈寶大法卷之七

舊七

洞微高士開光啟者具人審金具授


上清三洞茅子靈寶領教副師玉真集錄

修鍊佩服門

八十一品通玄秘旨

還元叙玄朝上秘品凡學仙求法之士神不歸根則不靈炁不還元則無實法有五符五靈之炁能滌五臟穢濁清淨身心然後念道思真自然悟發神通莫測宜遠聲色忠孝國家濟物利人法有五符以五色緇各半寸方用硃書平旦入靖燒香服五靈符炁以井花水調而五方服之服七日後任意呼召八十一天靈官及用八十一品普濟之法飛章詣帝追度一切亡魂九州亡歿之鬼並仗此法超度或禱雨祈晴救病除妖無不應驗

五靈真符




紅香




墨黑



廣真



飛騰



靈寶


總呪曰

九光三炁七政五常中皇高尊下降元陽

八十一品總呪

始當詣坐八會九光自然成文萬靈併藏右想丹田中有混芒九光恍惚飛騰歸於命根良久上朝八景炁入玄玄中太皇迎會萬真隨念應祈普召萬神

八十一品符 內大符三道




天真品 子炁 黃炁



大神品 子中 靈寶



此神品 中炁 靈寶



水神品 炁大 靈寶



飛空品 中炁 靈寶



五岳品 炁大 靈寶